

La Romania a Breil

Objektyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **23 (1932)**

PDF erstellt am: **20.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

scret, pliras emprovas poeticas, declamaziuns, discussiuns ed orientaziuns linguisticas han formau la materia ellas siat sessiuns. In bufatg chor viril embelleva quellas. Student rhet. Placi Huonder presidiava las radunonzas, ferton che stud. fil. Giusep Baselgia dirigeva il cant. Il diember dils commembers ha muntau sin 20.

Dapli alleghein nus buca cheu, essend ch' ils lecturs della Gasetta Romontscha ein tenor nies pareri gia sufficientamein informai en caussa. Nus lein mo aunc aggiunscher, che la carezia e la premura dils commembers per il car lungatg mumma se-manifestava neu e neu en fetg cuntenteivla moda.

Giiven Romontsch stai si,
lavura pli e pli
per tiu lungatg schi bi,
pil vegl e car lungatg matern
adina ardi tiu intern!

Per l' academia de Sviz:

Il protectur: *A. Giger*, prof.

La Romania a Breil

Per il di de s. Ramun, ils 31 d' uost 1930, regeva ellas scheinas de Breil in viv e legreivel cunfar. La Romania fuva puspei seradunada sil Tabor della Cadi, per celebrar sia 33avla fiasta. Igl ei stau ina fiasta populara el meglier senn dil plaid.

En fatscha ad ina gronda rimnada, vegnida da maneivel e da pli lunsch, beneventa allas duas

suentermiezdi il president stud. teol. G. Berther la raspada avon la casa paterna de G. C. Muoth. Dr. Gion Luregn Cagianut fa il plaid festiv. El ei sco buc in auter daus per celebrar vengonzamein siu convischin, il grond poet de Breil. Il plaid de conclusiun aggiunscha scol. sec. Sep. Mod. Nay en sia maniera originala, poetica ed el medem temps veramein populara. Vide Gas. Rom. dils 4 ed 11 de settember.

En la radunonza libra, ch' ei suandada el curtgin dil «Kistenpass» (tunass ei buca tschien ga meglier: Hotel Frisal?), ei sesviluppada ina animada ed animonta veta populara. In plaid ed ina produczion levan strusch spetgar l' outra. E denteren ils tuns della tiba giu dad alp.

Gl' auter di Requiem ella baselgia parochiala, situada aschi pittorescamein sin il crest amiez il vitg. Sur Ben. Venzin ei en in commuentont riug seregurdaus dils perdavons.

Las tractandas ein allura vegnidas reguladas speditivamein vi tier «Fausta Capaul». Denter las faschentas han las finanzas dau pli bia de plidar. Vul dir: il remediar quellas. Alla finala han ins elegiu ina commissiun ded umens de peisa (prof. Dr. Tuor, cuss. naz. Dr. Bossi, Dr. Lur. Cagianut) cun l' incarica de studegiar il Budget e lu far cuorer da vart exteriura novas fontaunas.

Red. G. Demont dat rapport sur della «Acziun romontscha en vitg e vallada». El relevescha ils success contonschi entras referats e propaganda e

cloma: En mintga vitg duei ins luvrar ed entusiasmar per quella acziun.

Essend ch' il meriteivel cassier scol. Simonet, per motivs de sanadad, ha dau sia demissiun, vegn quei uffeci pli tard surdaus a scol. Ludovic Huonder de Mustér.

La suprastonza per 1930/31 vegn constituida sco suonda: Em. Huonder, cand. jur. president. Oscar Alig cand. fil., vicepres. Giachen Saluz, stud. techn. actuar. Sur G. B. Sialm e scol. sec. W. Derungs.

Per liug de fiasta digl onn futur vegn Vella prius en egl.

A bein seveser el curtgin della Lumnezia!

Igl actuar

Rapport della radunonza populara della Romania a Vella, Lumnezia, ils 8 e 9 de sett. 1931.

Denter Pez ault e Pez Regina in maiestus sulegl d' atun, e sin via encunter nies vegl e venerabel sanctuari de Pleiv in liung e bi til de fiasta. Quei ei la Romania cun ses giuvens e vegls campiuns romontschs. — Ils plirs students vesan oz per l'emprema gada la Lumnezia, ed ils pli vegls menaders, promoturs e defensurs dil Romontsch ed ils fundaturs della Romania seregordan cun plascher dellas anteriuras fiastas della Romania en Lumnezia, 1899 a Lumbrein, e 1904 e 1917a Vella. —

Sil plaz indillic ed historic avon il vegl sanctuari